

Viši zamjenik visokog predstavnika posjetio Brčko

Viši zamjenik visokog predstavnika, Matthias Sonn, posjetio je Brčko Distrikt u četvrtak, 16. maja 2002. da bi obišao mjesta u Distriktu u koja se vraćaju izbjeglice i koja se obnavljaju, i da bi se sastao sa zvaničnicima zaduženim za obrazovanje, privredu i pravosuđe.

Ambasador Sonn se sastao sa Ivom Anđelovićem, šefom Odjeljenja za povratak, i njegovim zamjenicima, a posjetio je Bukvik i Klanac, gdje se sastao sa predstavnicima organizacija raseljenih i izbjeglih lica.

Nakon obilaska ovih mjesta, ambasador Sonn se sastao sa zamjenikom šefa OHR Brčko, Gerhardom Sontheimom, gradonačelnikom Sinišom Kisićem, zamjenikom gradonačelnika Ivanom Krndeljom i predsjednikom Skupštine Brčko Distrikta Mirsadom Đapom. Između ostalog, bilo je govora o povratku i rekonstrukciji, ekonomskom oporavku i reformi pravnog sistema u Brčko Distriktu.

Ovo je jedna od brojnih posjeta visokih zvaničnika OHR-a Brčko Distriktu. Napredak koji je postignut u Brčkom u smislu ekonomskog razvoja, te u ostalim oblastima, čini Brčko modelom za ostatak BiH.

Za više informacija molimo Vas da se obratite službeniku OHR-a za odnose s javnošću Suzani Pejčić na telefone 049-205-666 ili 061-133-526.